

POGLAVLJE 16: OPOREZIVANJE

Acquis u vezi sa **indirektnim oporezivanjem** obuhvata prvenstveno usklađeno zakonodavstvo u oblasti poreza na dodanu vrijednost (PDV) i akciza. U Evropskoj zajednici porez na dodanu vrijednost je po prvi put uveden 1967. godine, što je rezultiralo usvajanjem šeste Direktive o PDV-u iz 1977. godine, koja je kasnije prerađena u Direktivi 2006/112/EZ te je i danas u primjeni. Ona propisuje primjenu nekumulativnog opšteg poreza na potrošnju. Taj porez se obračunava u svim fazama proizvodnje i distribucije roba i usluga. *Acquis* u vezi sa PDV-om propisuje jednak poreski tretman domaćih i stranih (uvoznih) transakcija. Takođe, PDV se zasniva na principu neutralnosti, prema kome se porez primjenjuje proporcionalno u odnosu na cijenu, bez obzira na broj posrednih transakcija.

U oblasti akciza, *acquis* sadrži usklađeno zakonodavstvo u vezi sa energetske proizvodima, električnom energijom, duhanskim proizvodima i alkoholnim pićima. Zakonodavstvo Evropske unije propisuje strukturu akciza koje treba da se obračunaju, zajedno sa sistemom minimalnih stopa za svaku grupu proizvoda. Roba podliježe plaćanju akciza a ukoliko se proizvodi u Evropskoj uniji ili uvozi iz trećih država. Međutim, u principu, akciza se plaća isključivo državi članici u kojoj je roba puštena u promet (sa ograničenim izuzecima), i po stopama koje se primjenjuju u toj državi članici. Zakonodavstvo Evropske unije propisuje odredbe o proizvodnji, držanju, kretanju i praćenju akcizne robe. Uspostavljanje jedinstvenog tržišta dovelo je do ukidanja svih sistematskih fiskalnih kontrola na internim granicama Evropske unije 1. januara 1993. godine. Bez obzira na to, da bi se osiguralo plaćanje akciza za akciznu robu u mjestu njenog puštanja u potrošnju, nastavljen je detaljan nadzor držanja i kretanja te robe u komercijalne svrhe na Unutrašnjem tržištu.

Acquis u oblasti **direktnog oporezivanja** obuhvata izvjesne aspekte poreza na dobit i poreza na kapital. Cilj je eliminisanje poremećaja kod prekograničnih ekonomskih aktivnosti između preduzeća unutar Evropske unije. *Kodeks ponašanja* za poslovno oporezivanje predstavlja političku obavezu država članica da spriječe štetne poreske mjere. Države članice se obavezuju da neće uvoditi nove, kao i da će ukinuti postojeće štetne poreske mjere.

Zakonodavstvo Evropske unije u oblasti **administrativne saradnje i uzajamne pomoći** između poreskih i carinskih organa država članica propisuje instrumente za razmjenu podataka da bi se osigurala mogućnost djelotvorne naplate indirektnih i direktnih poreza. Poreske uprave razmjenjuju podatke od značaja za oporezivanje, i automatski i na zahtjev. Takođe, ono omogućava da države članice pruže pomoć jedna drugoj u oblasti povrata poreza.

Da bi se osigurala djelotvornost automatske razmjene podataka, *acquis* u oblasti **operativnih kapaciteta i kompjuterizacije** obuhvata različite oblasti oporezivanja. U oblasti PDV-a, *acquis* u vezi sa informacionim sistemom za razmjenu podataka o PDV-u (VIES) omogućavaju direktnu elektronsku razmjenu podataka između nacionalnih uprava za PDV u vremenskom roku utvrđenom u relevantnom propisu Evropske unije. To omogućava nacionalnim upravama da prate i kontrolišu trgovanje unutar Evropske unije i otkriju potencijalne nepravilnosti. Pored toga, poseban informacioni sistem (za povrat PDV-a) postao je operativan 1. januara 2010. godine, da bi se obezbijedila elektronska obrada zahtjeva za povrat PDV-a koji je plaćen u drugim državama članicama, a ne u državi članici u kojoj je privredni subjekt osnovan. Mini sistem "one-stop-shop" u sklopu IT sistema za PDV omogućava razmjenu podataka među državama članicama vezano za specijalne šeme za telekomunikacije, sisteme emitovanja i elektronske usluge. U pogledu akciza, *acquis* EU zahtijeva da IT sistem omogući državama članicama razmjenu podataka o ovlaštenjima koja se dodjeljuju proizvođačima i trgovcima akciznim proizvodima (sistem za razmjenu podataka o akcizama – SEED) i praćenje u realnom vremenu statusa kretanja robe sa odgođenim plaćanjem akciza (sistem kontrole kretanja akciza – EMCS). Sistem EMCS omogućava i

razmjenu podataka u svrhu održavanja saradnje između uprava. U oblasti direktnog oporezivanja, drugi IT sistemi omogućavaju automatsku razmjenu standardizovanih podataka o određenim vrstama prihoda.

I. INDIREKTNO OPOREZIVANJE

A. Opšte informacije

1. Navedite kako je zakonski definisana raspodjela nadležnosti za oporezivanje među različitim nivoima vlasti te koje institucije su nadležne za to pitanje.
2. Navedite elemente zakonodavstva Bosne i Hercegovine o PDV-u i akcizama koji mogu osigurati:
 - a) veći nivo oporezivanja uvezenih proizvoda od onog koji je propisan za slične domaće proizvode (član 110. Ugovora o funkcionisanju EU).
 - b) povrat poreza na izvezeno proizvode koji je veći od domaćeg poreza koji je za njih propisan (član 111. Ugovora o funkcionisanju EU).
 - c) različito postupanje po zahtjevima za smanjenje poreza ili izuzeće od PDV-a ili akciza.

B. Porez na dodanu vrijednost

3. Dostavite prevod pravnih propisa u Bosne i Hercegovine o PDV-u, uključujući i sekundarno zakonodavstvo, upravne smjernice itd.
4. Dostavite detaljan opis važećeg režima za PDV u Bosni i Hercegovini, naročito u sljedećim oblastima:
 - a) definicija poreskih obveznika;
 - i. odgovor treba da obuhvati PDV tretman državnih organa i javnih ustanova; nerezidentnih poreskih obveznika, slobodnih zanimanja, neprofitnih organizacija, povezanih preduzeća itd.;
 - ii. Koliko u Bosni i Hercegovini ima obveznika PDV-a?
 - b) obim oporezivih transakcija (isporuka roba i usluga, PDV na nepokretnu imovinu, propisi o samosnabdijevanju, privatna upotreba);
 - c) teritorijalni opseg oporezivanja;
 - d) uvoz (oporezivanje, režimi odgode plaćanja, izuzeća itd.). Kako se u pogledu PDV-a postupa sa robom koja je stavljena pod režim odgođenog plaćanja ?;
 - e) Izvoz i ostale izuzete isporuke po osnovu kojih se dodjeljuje pravo na smanjenje ulaznog PDV-a;
 - f) Izuzimanje od plaćanja po osnovu kojih se ne dodjeljuje pravo na odbitak ulaznog PDV-a;
 - g) Pravila o mjestu prometa roba i usluga;
 - h) Oporeziva radnja i naplativnost poreza, slučajevi u kojim se primjenjuje prenos obaveze plaćanja;
 - i) Pravila o stopama PDV-a. Opišite tačan opseg eventualnih smanjenih poreskih stopa, uključujući i nulte stope (osim onih opisanih pod slovom d)).

j) Opišite opseg i procedure u pogledu prava na odbitak i povrat PDV-a. Konkretno, kada je ulazni PDV viši od izlaznog, mogu li se svi poreski obveznici opredijeliti za povrat? Koliko je dugo u prosjeku potrebno za povrat PDV-a poreskim obveznicima? Da li se za određene obveznike, npr. velike izvoznike, primjenjuju povoljniji aranžmani? Opišite eventualna ograničenja prava na odbitak, tj. da li postoje rashodi na koje se PDV ne može smanjivati?

k) Posebni režimi (npr. mala preduzeća, polovna roba, umjetnička djela, kolekcionarski predmeti i antikviteti, paušalna nadoknada za poljoprivrednike, putničke agencije, investiciono zlato, ostalo);

l) Pravila za registraciju poreskih obveznika, povrat poreza, vođenje evidencije, izdavanje računa i plaćanje;

m) Administrativne aktivnosti i žalbe (procjena i naplata, kazne, žalbena procedura, međunarodna uzajamna pomoć i zahtjevi za povrat PDV-a).

n) Poreski obveznici čije sjedište nije u Bosni i Hercegovini. Opišite eventualna pravila o zastupanju, pravu na povrat na PDV-a itd.;

o) Postupci kontrole:

- i. Je li nadzor PDV-a uključen u nadzor ostalih poreza ili je odvojen?
- ii. Koliko je poreznih službenika uključeno u nadzor PDV-a, bez carina?
- iii. Kakvo je iskustvo Bosne i Hercegovine u razmjeni podataka za potrebe oporezivanja?

5. Navedite informacije o pravilima kojima se uređuje iznos za oslobađanje od plaćanja poreza u putničkom prometu pri uvozu.

6. Da li u Bosni i Hercegovini postoje i funkcionišu slobodne zone? Ukoliko je tako, dostavite tekst akata koji se odnose na slobodne zone. Koji režim se primjenjuje u slobodnim zonama za PDV i akcize? Da li su slobodne zone izuzete od teritorijalne primjene PDV-a i/ili odnosno akciza? Da li se PDV zaračunava na građevinski materijal za izgradnju ili obnovu objekata u slobodnim zonama?

7. Koji su ciljevi za buduće izmjene pravnih propisa o PDV-u u Bosni i Hercegovini (kratkoročni/dugoročni)? Navedite ih, zajedno sa vremenskim rokovima i očekivanim problematičnim oblastima.

C. Akcize

8. Dostavite prevedenu kopiju pravnih propisa Bosne i Hercegovine o akcizama, uključujući i sekundarno zakonodavstvo, npr. upravne smjernice itd.

9. Dostavite detaljan opis važećih pravnih propisa o akcizama u Bosni i Hercegovini, naročito u sljedećim oblastima:

a) Područje primjene poreza (kategorije proizvoda koje podliježu plaćanju akciza). Od posebnog interesa su sljedeći proizvodi:

i) Alkohol i alkoholna pića;

ii) Cigarete i ostale duhanske preradevine;

iii) Mineralna ulja (benzin, dizel, lož ulje itd.), ostali energetske proizvodi (prirodni plin, ugalj, biogoriva, električna energija), svi proizvodi koji se koriste kao motorno gorivo (npr. etanol), dodaci motornom gorivu i ugljikohidrati koji se koriste kao lož ulje;

- iv) Motorna vozila (akcize, porez na registraciju, putarine);
 - v) Druge kategorije proizvoda koji predstavljaju veći dio prihoda od akciza;
- b) Kako se definiše oporezivi dio za svaku akciznu robu (npr. po obimu, masi, po vrijednosti itd.)?
 - c) Izuzeća od akciza ili smanjenja akciza.
 - d) Kolika je akcizna stopa koja se primjenjuje na svaki proizvod koji podliježe plaćanju akcize? Primjenjuje li se ista stopa za slične uvezene proizvode? Ukoliko se ne primjenjuje, objasnite zašto se ne primjenjuje.
 - e) Nastanak obaveze obračunavanja akcize i naplativost akcize;
 - f) Pravila o uvozu i izvozu akcizne robe, uključujući i iznos za oslobađanje od plaćanja poreza u putničkom prometu.
 - g) Registrovani-neregistrovani trgovci.
10. Da li u Bosni i Hercegovini postoji sistem oporezivanja akciznog skladištenja za neke/sve kategorije proizvoda koji podliježu plaćanju akciza? Ukoliko ne postoji, kakav sistem se u Bosni i Hercegovini koristi:
 - a) za domaće proizvode?
 - b) za uvoz?
 11. Do kojeg nivoa distribucijskog lanca obično doseže svaki sistem skladištenja? Postoje li skladišta opšte namjene u koja svaki uvoznik može otpremiti svoje proizvode? Kako su dažbine finansijski obezbijeđene (npr. garancije)? Kakva se fizička bezbjednost zahtijeva? Na koji način se obavljaju kretanja proizvoda između različitih skladišta i između skladišta i granice?
 12. Primjenjuju li se u Bosni i Hercegovini drugi sistemi odloženog plaćanja, tj. poreski aranžmani koji se primjenjuju na proizvodnju, preradu, čuvanje i kretanje proizvoda tokom kojeg je odloženo plaćanje akciza? Primjenjuje li se neki poseban poreski režim za države koje nisu članice Evropske unije, po kojem se ne plaćaju akcize ili se ne primjenjuje ovjeravanje akciznim markicama?
 13. Primjenjuju li se u Bosni i Hercegovini posebni režimi za određene proizvođače, kao što su poljoprivrednici, mali proizvođači, male pivare ribari itd.?
 14. Da li je u Bosni i Hercegovini dozvoljena direktna dostava navedena u članu 17. (2) Direktive 2008/118/EZ?
 15. Koje odredbe regulišu prodavnice izuzete od plaćanja poreza (prodavnice na aerodromima, na graničnim prelazima itd.)? Koja izuzeća od plaćanja poreza postoje za putnike iz trećih država?
 16. Pravila za administrativne aktivnosti i vođenje evidencije, uključujući davanje odobrenja (za proizvodnju, uvoz i skladištenje akcizne robe), garancije, registraciju, račune.
 17. Procjena i žalbe (procjena i naplata, postupak za traženje kredita i povrata, kazne, postupak podnošenja žalbe, međunarodna uzajamna pomoć i zahtjevi za povrat akciza).
 18. Postupci kontrole (naročito, na koji se način upotrebljavaju poreske markice i druge fiskalne oznake, uključujući fiskalne oznake za mineralna ulja).
 19. Koje konkretne mjere se preduzimaju da bi se riješio problem nelegalne međunarodne trgovine akciznom robom (npr. cigarete)?

20. Da li su pravnim propisima u Bosni i Hercegovini propisane prelazne i privremene mjere za akcize?
21. Koje konkretne mjere se primjenjuju u kontroli i oporezivanju alkoholnih pića kućne proizvodnje/proizvedenih za ličnu potrošnju?
22. Da li se Bosna i Hercegovina u potpunosti pridržava člana 35. SSP-a o zabrani fiskalne diskriminacije?
23. Koji su ciljevi za buduće izmjene pravnih propisa o akcizama u Bosni i Hercegovini (kratkoročni/dugoročni)? Navedite ih, zajedno sa vremenskim rokovima i očekivanim problematičnim oblastima; posebno u smislu usklađenosti sa *acquis*-em.

I. DIREKTNO OPOREZIVANJE

24. Da li pravni propisi u Bosni i Hercegovini omogućavaju odgodu oporezivanja kapitalnih dobitaka do njihove realizacije (tj. do rješavanja imovine na koju se oni odnose) u slučaju spajanja, podjela, prijenosa imovine i razmjene dionica privrednih društava sa sjedištem u Bosni i Hercegovini? Ako je tako, dostavite tabelu sa pregledom relevantnih odredbi kojima se uređuje svako od navedenih pitanja.
25. Koje su glavne karakteristike načina obračunavanja poreza na raspolaganje osnovnim (dugoročnim) sredstvima privrednih društava ili korporacija u Bosni i Hercegovini?
 - a) Kakve izuzetke/oslobađanja od plaćanja poreza se u Bosni i Hercegovini primjenjuju kod oporezivanja kapitalne dobiti korporacija?
 - b) Da li se ista pravila primjenjuju na trgovanje ili djelatnost fizičkih lica? Ako se ne primjenjuju, koja pravila važe za fizička lica?
 - c) Koja se pravila primjenjuju za fizička lica u okviru njihovog upravljanja portfoliom?
26. Koja su pravila za prekogranični prenos imovine unutar jednog privrednog društva? Da li pravni propisi omogućavaju oporezivanje prijavljenih kapitalnih dobitaka na imovinu prenesenu unutar jednog privrednog društva? Kakva su pravila u slučaju da privredno društvo prenese svoje poresko sjedište u drugu zemlju? Da li pravni propisi omogućavaju oporezivanje prijavljenih kapitalnih dobitaka na imovinu tog privrednog društva?
27. Da li se u Bosni i Hercegovini primjenjuje poseban poreski režim za reorganizaciju preduzeća?
 - a) Kakve reorganizacije on obuhvata?
 - b) Na koji način ovaj poseban poreski režim funkcioniše?
 - c) Da li se ovaj poreski režim primjenjuje u prekograničnom prometu? Ako se primjenjuje, pod kojim uslovima?
28. Navedite podatke o oporezivanju dokapitalizacije privrednih društava.
29. Da li zakonodavstvo u Bosni i Hercegovini sadrži definiciju poreskog sjedišta za fizička lica i privredna društva? Objasnite to i dostavite pregled relevantnih zakonodavnih odredbi.
30. Objasnite oporezivanje nerezidenata po osnovu prihoda koji potiču iz Bosne i Hercegovine, sa naglaskom na razlike u odnosu na oporezivanje rezidenata, u pogledu:
 - a) Poreske osnovice

- b) Odbitka troškova
 - c) Izuzeća
 - d) Poreske stope
 - e) Poreskih podsticaja
 - f) Posebnog režima za stalne poslovne jedinice, ukoliko postoji.
31. Omogućava li zakonodavstvo u Bosni i Hercegovini oporezivanje po odbitku za isplate (dividende, kamate, prihode od autorskog prava ili zakupa itd.) drugim pravnim licima (fizičkim licima ili privrednim društvima) rezidentima ili nerezidentima Bosne i Hercegovine?
- a) Koje su glavne karakteristike režima oporezivanja prihoda od kapitala (lica i preduzeća)?
 - b) Postoji li zadržani porez na dohodak od kapitala (kamate na bankovne depozite, dužnički instrumenti)? Navedite poresku osnovicu, poreske stope, izuzeća od plaćanja poreza, fiskalni tretman rezidenata (na domaći prihod i prihod iz inostranstva) i nerezidenata, automatsko izvještavanje, itd.
 - c) Primjenjuje li se porez na promet ili takse na vrijednosnice, ugovore o kreditu, ugovore o osiguranju itd.?
 - d) Kakav je tretman dividendi koje strana preduzeća isplaćuju preduzećima koja su rezidenti u Bosni i Hercegovini? Koji mehanizmi se primjenjuju da bi se izbjeglo dvostruko oporezivanje dividendi?
32. Kako se inozemni prihod, a koji primaju rezidentni porezni obveznici, tretira u Bosni i Hercegovini? Koju vrstu sistema Bosna i Hercegovina primjenjuje da bi izbjegla dvostruko oporezivanje?
33. Kakva je opšta politika u Bosni i Hercegovini za određivanje cijena transfera? Da li pravni propisi u Bosni i Hercegovini sadrže konkretna pravila za određivanje cijena transfera? Objasnite to i dostavite pregled relevantnih zakonodavnih odredbi.
34. Da li pravni propisi u Bosni i Hercegovini sadrže konkretna pravila za slabu kapitalizaciju i kontrolisana strana privredna društva? Molimo da objasnite.
35. Da li pravni propisi u Bosni i Hercegovini sadrže opšte pravilo o zabrani zloupotrebe?
36. Da li pravni propisi u Bosni i Hercegovini sadrže konkretna pravila o razlikama između Bosne i Hercegovine i druge države?
37. Dostavite prevod pravnih propisa u Bosni i Hercegovini o oporezivanju dohotka, dobiti i/ili kapitalnih dobitaka, uključujući i druge povezane pravne propise, kao što su podzakonski akti o investicionim podsticajima ili administrativna uputstva, itd. Opišite postupak za plaćanja poreza na dohodak građana i metode koje se koriste za njegovo obračunavanje. Kako se vrši kontrola?
38. Primjenjuje li se u Bosni i Hercegovini neka preferencijalna shema oporezivanja? Ako se primjenjuje, dajte detaljan opis tih shema (glavnu svrhu sheme, minimalne zahtjeve, poreske olakšice, je li vremenski ograničena, vrstu korisnika, itd.)
39. Za sve direktne poreze koji se naplaćuju na nivou vlasti ispod državnog, koja su pravila za određivanje koji nivo vlasti ima pravo da naplaćuje porez na dohodak i dobit preduzeća od svakog poreskog obveznika? Postoje li situacije u kojima poreski obveznik može biti u obavezi da plaća porez na dohodak naviše nivoa uprave?

II. ADMINISTRATIVNA SARADNJA I UZAJAMNA POMOĆ

40. Navedite kako Bosna i Hercegovina saraduje sa drugim zemljama u oblasti administrativne saradnje i uzajamne pomoći po pitanjima oporezivanja.
41. Koja je politika Bosne i Hercegovine za promovisanje dobrog upravljanja u poreskim pitanjima, naročito međunarodnih standarda o razmjeni podataka za potrebe oporezivanja, o transparentnosti poreskog sistema i o fer poreskoj konkurenciji?
42. Sa kojim zemljama Bosna i Hercegovina trenutno ima sporazume o izbjegavanju dvostrukog oporezivanja ili sporazume o razmjeni podataka o oporezivanju kapitala i prihoda? Koji su izvori kapitala i prihoda obuhvaćeni tim sporazumima? Postoje li ograničenja u pogledu dostupnosti ili upotrebe tih podataka? Dostavite tekst člana o razmjeni podataka za potrebe oporezivanja o kome Bosna i Hercegovina trenutno pregovara sa svojim ugovornim partnerima u sporazumima o izbjegavanju dvostrukog oporezivanja ili sporazumima o razmjeni podataka.
43. Da li Bosna i Hercegovina ima sporazume sa drugim zemljama o razmjeni podataka u oblasti PDV-a i da li se te razmjene redovno vrše?
44. Da li imate sporazume sa drugim zemljama o povratu poreza i/ili dostavljanju zvaničnih obavještenja iz tih zemalja?
45. Postoje li neka ograničenja na razmjenu bankovnih podataka za potrebe oporezivanja sa stranim poreskim organima? Kakva je politika u Bosni i Hercegovini o pristupu podacima o stvarnom vlasništvu?

III. PORESKA POLITIKA I UPRAVA. OPERATIVNI KAPACITETI I KOMPJUTERIZACIJA

A. Poreska politika

46. Opišite sadašnju i planiranu poresku politiku u Bosni i Hercegovini (naročito uvođenje novih odnosno ukidanje postojećih poreza).
47. Kako se osigurava pravna koordinacija među različitim nivoima vlasti o pitanjima oporezivanja?

B. Opšta poreska uprava

48. Navedite podatke o organizacionoj strukturi uprave nadležne za oporezivanje u Bosni i Hercegovini, uključujući i akcize. U slučaju da postoji organigram, dostavite ga.
49. Dajte opis zakona koji uređuju rad poreske uprave i prava i obaveze poreskih obveznika.
50. Molimo da dostavite primjerak pravnih propisa u Bosni i Hercegovini o Poreskoj upravi.
51. Dostavite primjerak prijave za porez na dohodak, dobit preduzeća i PDV.
52. Dostavite primjerak obrasca zahtjeva za registraciju poreskih obveznika u sistemu PDV-a.
53. Dostavite podatke o postupcima interne kontrole i revizije.

54. Koje su postojeće mjere za podršku poreskim obveznicima u ispunjavanju poreskih i akciznih obaveza?
55. Ko je zadužen za provedbu pravnih propisa o oporezivanju na različitim nivoima vlasti?
56. Kako se osigurava poštovanje pravnih propisa kada poreski obveznici imaju prihode/rashode u različitim administrativnim jedinicama?
57. Dostavite detaljan opis infrastrukture jedinice poreske uprave u Bosni i Hercegovini koja je nadležna za PDV, akcize i direktno oporezivanje, uključujući strukturu zaposlenih i informacione sisteme. Koliko ima nepopunjenih pozicija u njima?
58. Dostavite opis trenutnog stanja procesa kompjuterizacije informacionih sistema koji koristite u upravi Bosne i Hercegovine.
59. Koji su planovi u Bosni i Hercegovini u pogledu priprema za ostvarivanje potpune međusobne povezanosti informacionih sistema u državi sa poreskim informacionim sistemima EU (VIES, VAT Refund, EMCS itd.)?
60. Dostavite statističke podatke za period 2014-2016 o mjerama za suzbijanje utaje poreza. Konkretno, koliko dodatnog poreza je potraživala Poreska uprava, koliko je dodatnog poreza naplaćeno, koliko je krivičnih djela u oblasti poreza policija istraživala, a za koliko je njih pokrenut krivični postupak i koliko je osuđujućih presuda izrečeno? Koje su kazne izrečene?
61. Objasnite sistem za prigovore i upravne žalbe u slučaju da se porezni obveznik ne slaže sa odlukom koju su donijeli poreski organi.
62. Objasnite na koji način se organizuje poreska kontrola u Bosni i Hercegovini, koji resursi se koriste i kako se ona obavlja. Dalje, koju strategiju koristite za vršenje kontrole nad PDV-om, direktnim oporezivanjem i akcizama? U tom smislu, naznačite organ (ili organe) koji utvrđuju ukupnu strategiju za vršenje kontrole, te navedite glavne karakteristike te strategije.
63. Molimo vas da navedete podatke o korupciji u Poreskoj upravi. Na koji način se takvi slučajevi rješavaju? Da li je neki slučaj završio na sudu?
64. Opišite saradnju sa carinskim organima.

C. Statistika prihoda

65. Dostavite detaljan opis i relevantne statističke podatke o cjelokupnoj strukturi prihoda (porezi i doprinosi za socijalno osiguranje) i njihove najvažnije komponente (prema OECD-ovoj klasifikaciji prihoda).
66. Koliki se procenat ukupnih državnih prihoda ostvaruje od PDV-a, akciza, poreza na dohodak, poreza na dobit, odnosno poreza na kapitalnu dobit?
67. Koliki postotak dospjelih poreza su uprave naplatile u 2015. godini? Ispunite donju tabelu

	% naplaćeno na vrijeme	% naplaćeno uz kašnjenje	% nije naplaćeno
PDV			
Akcize			
Porez na dobit preduzeća			
Porez na dohodak			

68. Koja je procjena sive ekonomije i kako se ona izračunava?

69. Dostavite statističke podatke o broju obveznika poreza na dohodak i na dobit preduzeća.

70. Dostavite statističke podatke o broju poreskih obveznika uvoznika i izvoznika roba i usluga.